

唐宋詩醇

三十一

韓

庫文閣內		
函	三七八	漢書
架	冊	號類

庫文閣內		
函	三七八	漢書
架	冊	號類

內閣文庫		
番號	漢	3782
冊數	32 (20)	
函號	358	19



御選唐宋詩醇卷之三十

昌黎韓愈詩

四淺草文庫



目錄

陸渾山火和皇甫湜用其韻

苦寒



和虞部盧四酬翰林錢七赤藤杖歌

送湖南李正字歸

寄盧仝

酬司門盧四兄雲夫院長望秋作

御選唐宋詩醇 韓愈



誰氏子

送無本師歸范陽

石鼓歌

題炭谷湫祠堂

聽穎師彈琴

調張籍

盧郎中雲夫寄示送盤谷子詩兩章歌以和之

病中贈張十八

寄崔二十六立之

此處有極淡的墨迹，內容難以辨認，可能是書寫或印刷的殘留。

齊譜二十六卷之

御選唐宋詩醇卷之三十

昌黎韓愈詩四

陸渾山火和皇甫湜用其韻

皇甫補官古賁渾。時當元冬澤乾源。山狂谷很相
 吐吞。風怒不休何軒軒。擺磨出火以自燔。有聲夜
 中驚莫原。天跳地踔顛乾坤。赫赫上照窮產垠。截
 然高周燒四垣。神焦鬼爛無逃門。三光弛隳不復
 燄。虎熊麋豬逮猴猿。水龍鼉龜魚與黿。鴉鷓鷹
 雉鵠。鷓鷃魚煨燻。孰飛奔。祝融告休酌卑尊。錯陳

齊。玫。闢。華。園。芙。蓉。披。猖。塞。鮮。繁。千。鐘。萬。鼓。咽。耳。喧。
攢。雜。啾。噉。沸。篴。塤。彤。幢。絳。旃。紫。纛。燄。炎。官。熱。屬。朱。
冠。禪。髻。其。肉。皮。通。脛。臂。頰。胷。垤。腹。車。掀。轆。緹。顏。靺。
股。豹。兩。韃。霞。車。虹。靸。日。轂。輻。丹。韃。縹。蓋。緋。繡。帑。紅。
帷。赤。幕。羅。脹。膳。盃。池。波。風。肉。陵。屯。唵。呀。鉅。壑。頗。黎。
盆。豆。登。五。山。瀛。四。罇。熙。熙。醕。疇。笑。語。言。雷。公。擘。山。
海。水。翻。齒。牙。嚼。齧。舌。腭。反。電。光。礮。礮。頰。目。暖。頊。冥。
收。威。避。元。根。斥。棄。輿。馬。背。厥。孫。縮。身。潛。喘。拳。肩。跟。
君。臣。相。憐。加。愛。恩。命。黑。螭。偵。焚。其。元。天。關。悠。悠。不。

可。援。夢。通。帝。血。面。論。側。身。欲。進。叱。於。闔。帝。賜。九。
河。滿。涕。痕。又。詔。巫。陽。反。其。魂。徐。命。之。前。問。何。寃。火。
行。於。冬。古。所。存。我。如。禁。之。絕。其。殮。女。丁。婦。壬。傳。世。
婚。一。朝。結。讐。奈。後。昆。時。行。當。反。慎。藏。躡。視。桃。著。花。
可。小。騫。月。及。申。酉。利。復。怨。助。汝。五。龍。從。九。鯤。溺。厥。
邑。囚。之。崑。崙。皇。甫。作。詩。止。睡。昏。辭。誇。出。真。遂。上。焚。
要。余。和。增。怪。又。煩。雖。欲。悔。舌。不。可。捫。
只。是。詠。野。燒。耳。寫。得。如。此。天。動。地。岷。憑。空。結。撰。心。
花。怒。生。

卯進唐詩言四 卷三 韓愈 陸渾山火和皇甫湜 二

韓醇曰詳此詩始則言火勢之盛次則言祝融之御火其下則水火相尅相濟之說也樊汝霖曰從公學文者多矣惟李習之得公之正皇甫持正得公之奇持正嘗語人曰書之文不奇易可謂奇矣豈礙理傷聖乎如龍戰于野其血元黃見豕負塗載鬼一車突如其來如焚如死如棄如何等語也今此詩黑螭五龍九鷗等語其與易龍戰於野何異筆墨閒錄曰無逸云鴉鷓鷗鷹雉鵠鷗句正柏

梁體後山作七字詩上東坡襲此體

劉石齡曰公詩根柢全在經傳如易說卦離為火其於人也為大腹故於炎官熱屬以頽胸垤腹擬諸其形容非臆說也又彤幢紫纛日轂霞車虹韜豹韞電光頽目等字亦從為日為電為甲冑為戈兵句化出造語極奇必有依據以理考索無不可解者世儒於此篇每以怪異目之且以不可解置之吁此亦未深求其故耳豈真不可解哉

中山詩話曰唐詩賡和有次韻先後無易有依韻同在一韻有用韻用彼韻不必次韓吏部和皇甫陸渾山火是也今人多不曉洪興祖曰丁火也壬水也火女也水男也丁女而為婦於壬故曰女丁婦壬一作夫丁婦壬亦通夫丁者壬也言壬為丁夫也婦壬者丁也言丁為壬婦也朱子曰按丁為陽中之陰壬為陰中之陽故言女之丁者為婦於壬以見水火之相配今術家亦言丁與壬合洪氏二說皆是

苦寒

四時各平分。一氣不可兼。隆寒奪春序。顛項固不廉。太昊弛維綱。畏避但守謙。遂令黃泉下。萌牙天勾尖。草木不復抽。百味失苦甜。凶飈攪宇宙。銜刃甚割砭。日月雖云尊。不能活烏蟾。羲和送日出。恇怯頻窺覘。炎帝持祝融。呵噓不相炎。而我當此時。恩光何由沾。肌膚生鱗甲。衣被如刀鎌。氣寒鼻莫齟。血凍指不粘。濁醪沸入喉。口角如銜箝。將持七箸食。觸指如排籤。侵鑪不覺暖。熾炭屢已添。探湯

印是言尺詩序 卷三 韓愈 苦寒 四

無所益。何況續與縑。虎豹僵穴中。蛟螭死幽潛。熒
惑喪矚次。六龍冰脫髯。芒碭大包內。生類恐盡殲。
啾啾窓間雀。不知已微纖。舉頭仰天鳴。所願晷刻
淹。不如彈射死。却得親魚燂。鸞皇苟不存。爾固不
在。占其餘。蠢動儔。俱死誰恩嫌。伊我稱最靈。不能
女。覆。苦。悲。哀。激。憤。歎。五。藏。難。安。恬。中。宵。倚。牆。立。淫
淚。何。漸。漸。天。王。哀。無。辜。惠。我。下。顧。瞻。褰。流。去。耳。續。
調。和。進。梅。鹽。賢。能。日。登。御。黜。彼。傲。與。儉。生。風。吹。死。
氣。豁。達。如。褰。簾。懸。乳。零。落。墮。晨。光。入。前。簷。雪。霜。頓。

銷釋土脉膏且黏。豈徒蘭蕙榮。施及艾與蒹。日萼
行鑠鑠。風條坐檐檐。天平苟其能。吾死意亦厭。
銳思鑱刻字。帶刀鋒不數。晉人危語了。語結意與
少陵吾廬獨。破受凍死亦足正同。

王伯大曰此詩意蓋有所諷德宗貞元十九年
春公為四門博士作

某氏曰按舊唐書韋渠牟傳自陸贄免相後德
宗不復委成宰相廟堂備員行文書而已所狎
而取信者裴延齡李齊運王紹李實韋執誼洎

渠牟等皆權傾相府姦欺多端此詩所以諷也
胡渭曰唐書五行志貞元十九年三月大雪豈
即所謂苦寒邪

和虞部盧四酬翰林錢七赤藤杖歌

赤藤為杖世未窺。臺郎始攜自滇池。滇王埽宮避
使者。跪進再拜語。嗚呼繩橋拄過免。傾墮性命造
次蒙扶持。途經百國皆莫識。君臣聚觀逐旌麾。共
傳滇神出水獻。赤龍拔鬚血淋漓。又云羲和操火
鞭。暝到西極睡。所遺幾重包裹自題署。不以珍怪

誇荒夷。歸來捧贈同舍子。浮光照手欲把疑。空堂
晝眠倚牖戶。飛電著壁搜蛟螭。南宮清深禁闈密
唱和有類吹塤箎。妍辭麗句不可繼。見寄聊且慰
分司。

沈德潛曰赤龍羲和云云此種奇傑昌黎獨造

送湖南李正字歸

長沙入楚深。洞庭值秋晚。人隨鴻雁少。江共蒹葭
遠。歷歷余所經。悠悠子當返。孤游懷耿介。旅宿夢
婉婉。風土稍殊音。魚蝦日異飯。親交俱在此。誰與



同息偃。

風神繇邈絕似韋柳是昌黎集中變調唯南溪三首近之。

沈德潛曰昌黎五言難得此清遠之格

寄盧仝

玉川先生洛城裏破屋數間而已矣一奴長鬚不裹頭一婢赤脚老無齒辛勤奉養十餘人上有慈親下妻子先生結髮憎俗徒閉門不出動一紀至令鄰僧乞米送僕忝縣尹能不恥俸錢供給公私

餘時致薄少助祭祀勸參留守謁大尹言語纔及輒掩耳水北山人得名聲去年去作幕下士水南山人又繼往鞍馬僕從塞閭里少室山人索價高兩以諫官徵不起彼皆刺口論世事有力未免遭驅使先生事業不可量惟用法律自繩已春秋三傳束高閣獨抱遺經究終始往年弄筆嘲同異怪辭驚衆謗不已近來自說尋坦塗猶上虛空跨綠駟去歲生兒名添丁意令與國充耘耔國家丁口連四海豈無農夫親耒耜先生抱才終大用宰相

未許終不仕。假如不在陳。力列立言垂。範亦足恃。
苗裔當蒙十世宥。豈謂貽厥無基趾。故知忠孝生。
天性潔身亂倫安。足擬昨晚長鬚來。下狀隔牆惡。
少惡難似每騎屋山下。窺闕渾舍驚。怕走折趾。憑。
依媮媮欺官吏。不信令行能禁止。先生受屈未曾。
語。忽此來告良有以。嗟我身為赤縣令。操權不用。
欲何俟。立名賊曹呼伍伯。盡取鼠輩尸諸市。先生。
又遣長鬚來。如此處置非所喜。况又時當長養節。
都邑未可猛政理。先生固是余所畏。度量不敢窺。

涯。放縱是誰之過歟。效尤戮僕媿前史。買羊沽。
酒謝不敏。偶逢明月曜桃李。先生有意許降臨。更。
遣長鬚致雙鯉。

玉川垂老尚依時。宰致罹甘露之難。其人固非高。
隱退之何以傾倒。乃爾觀詩中所叙。特與鄰人構。
訟而以情面聽其起滅耳。却寫得壁立千仞有執。
鞭忻慕之意。乃知唐時處士類能作聲價如此。

隱居詩話曰。退之李花詩云。夜領張徹投盧仝。
乘雲共到玉皇家。長姬香御四羅列。縞裙練帨。

無等差及贈盧仝詩曰買羊沽酒謝不敏偶逢
 明月曜桃李即此時也李渤石洪温造為處士
 純盜虛名韓愈雖與之遊而多侮薄之所謂水
 北山人得名聲去年去作幕下士水南山人又
 繼往鞍馬僕從塞間里少室山人索價高兩以
 諫官徵不起彼皆刺口論世事有力未免遭驅
 使夫為處士乃刺口論世事希聲名願驅使又
 要索高價似玉飾僕御以誇閭里此何等人也
 其侮薄之甚矣班固云春秋五傳謂左邱明公

羊高穀梁赤鄒氏夾氏又云鄒氏無書夾氏未
 有書而韓愈贈盧仝詩云春秋五傳束高閣獨
 抱遺編究終始不知此二傳果何等書

彦周詩話曰玉川子春秋傳僕家舊有之今亡
 矣辭簡而遠得聖人之意為多後世有深於經
 而見虛傳者當知退之不妄許人也

酬司門盧四兄雲夫院長望秋作

長安雨洗新秋出極目寒鏡開座函終南曉望蹋
 龍尾倚天更覺青巉巖自知短淺無所補從事义

御選唐詩 卷三 院 五言 九
此穿朝衫歸來得便即遊覽。暫似壯馬脫重銜。曲
江荷花蓋十里。江湖生日思莫減。樂遊下矚無遠
近。綠槐萍合不可芟。白首寓居誰借問。平地寸步
尙雲巖。雲夫吾兄有狂氣。嗜好與俗殊酸鹹。日來
省我不肯去。論詩說賦相譎譎。望秋一章已驚絕。
猶言低抑避謗讒。若使乘酣騁雄怪。造化何以當
鑄劓。嗟我小生值強伴。怯膽變勇神明鑒。馳坑跨
谷終未悔。為利而止真貪饒。高揖羣公謝名譽。遠
追甫白感至誠。樓頭完月不共宿。其奈就缺行戡

戡

誰氏子

非癡非狂誰氏子。去入王屋稱道士。白頭老母遮
門啼。挽斷衫袖留不止。翠眉新婦年二十。載送還
家哭穿市。或云欲學吹鳳笙。所慕靈妃媿蕭史。又
云時俗輕尋常。力行險怪取貴仕。神仙雖然有傳
說。知者盡知其妄矣。聖君賢相安可欺。乾死窮山
竟何俟。嗚呼。余心誠豈弟。願往教誨究終始。罰一
勸百。政之經不從而誅。未晚耳。誰其友親能哀憐。

寫吾此詩持送似


原注曰呂氏子炅見李素墓誌

本集河南少尹李素墓誌曰素拜河南少尹行
大尹事呂氏子炅棄其妻著道士衣冠謝母曰
當學仙王屋山去數月復出閒詣公公立之府
門外使吏卒脫道士服給冠帶送付其母

送無本師歸范陽

無本於為文身大不及膽吾嘗示之難勇往無不
敢蛟龍弄角牙造次欲手攬衆鬼囚大幽下觀襲

玄窗天陽熙四海注視首不領鯨鵬相摩宰兩舉
快一噉夫豈能必然固已謝黠黠狂詞肆滂葩低
昂見舒慘姦窮怪變得徃徃造平澹蜂蟬碎錦纈
綠池披菡萏芝英擢荒蕪孤翮起連茨家住幽都
遠未識氣先感來尋吾何能無殊嗜昌歎始見洛
陽春桃枝綴紅糝遂來長安里時卦轉習坎老懶
無鬪心久不事鉛槧欲以金帛酬舉室常頗頷念
當委我去雪霜刻以懣獮飈攪空衢天地與頓撼
勉率吐歌詩慰女別後覽



後遺唐宋言 卷三
獎賞之中諷喻深遠正不獨為浪山說法也 身
大不及膽妙於翻用

俞瑒曰凡昌黎先生論文諸作極有關係其中
次第俱從親身歷過故能言其甘苦親切乃耳
如此詩云無本於為文身大不及膽吾嘗示之
難勇往無不敢作詩入手須要膽力全在勇往
上見其造詣之高又云姦窮怪變得徃徃造平
澹平澹得於能變之後所謂漸近自然也此境
夫豈易到公之指點來學者深矣微矣

石鼓歌

張生手持石鼓文。勸我試作石鼓歌。少陵無人謫
仙死。才薄將柰石鼓何。周綱陵遲四海沸。宣王憤
起揮天戈。大開明堂受朝賀。諸侯劍珮鳴相磨。蒐
於岐陽騁雄俊。萬里禽獸皆遮羅。鐫功勒成告萬
世。鑿石作鼓隳嗟峨。從臣才藝咸第一。揀選撰刻
留山阿。雨淋日炙野火燎。鬼物守護煩撓呵。公從
何處得紙本。毫髮盡備無差訛。辭嚴義密讀難曉。
字體不類隸與科。年深豈免有缺畫。快劍斫斷生

蛟龍鸞翔鳳翥衆仙下。珊瑚碧樹交枝柯。金繩鐵
索鎖紐壯。古鼎躍水龍騰梭。陋儒編詩不收入。二
雅褊迫無委蛇。孔子西行不到秦。捋撫星宿遺羲
娥。嗟余好古生苦晚。對此涕淚雙滂沱。憶昔初蒙
博士徵。其年始改稱元和。故人從軍在右輔。為我
量度掘白科。濯冠沐浴告祭酒。如此至寶存豈多。
瓊苞席裏可立致。十鼓祇載數駱駝。薦諸太廟比
郃鼎。光價豈止百倍過。聖恩若許留太學。諸生講
解得切磋。觀經鴻都尚填咽。坐見舉國來奔波。剡

苔剔蘚露節角。安置妥帖平不頗。大厦深簷與蓋
覆。經歷久遠期無佗。中朝大官老於事。詎肯感激
徒媿。嬰牧童敲火牛礪角。誰復著手為摩挲。日銷
月鑠就埋沒。六年西顧空吟哦。羲之俗書趁姿媚。
數紙尚可博白鵝。繼周八代爭戰罷。無人收拾理
則那。方今太平日無事。柄任儒術崇止軻。安能以
此上論列。願借辯口如懸河。石鼓之歌止於此。嗚
呼吾意其蹉跎。
典重瑰竒良足鑄之金。而磨之石。後半旁皇珍惜

後漢唐書言
更見懷古情深厥後石鼓升沈不一竟得依聖人之居其文與六籍並垂永世則退之請留太學之說實有力焉此詩亦不為空作矣

容齋隨筆曰文士為文有矜夸過實雖韓文公不能免如石鼓歌極道宣王之事偉矣至云孔子西行不到秦拊星宿遺羲娥陋儒編詩不入二雅褊迫無委蛇是謂三百篇皆如星宿獨此詩如日月也二雅褊迫之語尤非所宜言今世所傳石鼓之詞尚在豈能出吉日車攻之

右安知非經聖人所刪乎

困學紀聞曰致堂云韓退之賦石鼓曰孔子西行不到秦故不見錄孔子編詩豈必身歷而後及哉信斯言也車鄰馱鐵胡為而收之也集古錄曰石鼓久在岐陽初不見稱於前世至唐人始盛稱之而韋應物以為周文王之鼓至宣王刻詩韓退之直以為宣王之鼓在今鳳翔孔子廟中鼓有十先時散棄於野鄭餘慶始置之於廟而亡其一皇祐四年向傳師求於民間

得之十鼓乃足其文可見者四百六十五磨滅不可識者過半然其可疑者三退之好古不妄者予姑取以為信耳至於字畫亦非史籀不能作也

塵史曰右軍書多不講偏旁此退之所謂羲之俗書趨姿媚者也

蔡寬夫詩話曰退之石鼓歌云羲之俗書趨姿媚數紙尚可博白鷺觀此語便知退之非留意於書者今洛中尚有石刻題名信不甚工

石鼓文音訓曰初在陳倉野中唐鄭餘慶始遷之鳳翔宋大觀中徙開封靖康末金人取之以歸於燕元皇慶癸丑始置大成至聖文宣王廟門之左右

沈德潛曰陋儒指當時采風者言二雅不載孔子無從采取也 隸書風俗通行別於古篆故云俗書無貶右軍意

題炭谷湫祠堂

萬生都陽明。幽暗鬼所寰。嗟龍獨何智。出入人鬼

間不知誰為助。若執造化關。厭處平地水。巢居插
天山。列峰若攢指。石盃仰環環。巨靈高其捧。保此
一掬慳。森沈固含蓄。本以儲陰姦。魚鼈蒙擁護。羣
嬉傲天頑。翩翩樓託禽。飛飛一何閑。祠堂像侔真。
擢玉紆烟鬟。羣怪儼伺候。恩威在其顏。我來日正
中。悚惕思先還。寄立八寸地。敢言來塗艱。吁無吹
毛刃。血此牛蹄殷。至今乘水旱。鼓舞寡與鰥。林叢
鎮冥冥。窮年無由刪。妍英雜豔實。星瑣黃朱班。石
級皆險滑。顛躋莫牽攀。老區雛衆碎。付與宿已頒。

葉去可奈何。吾其死茅菅。

感時託諷不覺義形於色秋懷已發其端此更淋
瀉盡致 按唐書王叔文傳順宗不能聽政深居
施幄坐以牛昭容宦人李忠言侍側羣臣奏事從
帷中可其奏大抵叔文因伍伍因忠言忠言因昭
容更相依仗又王伾傳叔文入止翰林而伾至柿
林院見牛昭容等此詩擢玉紆烟鬟云云蓋借澄
源以喻昭容也

某氏曰按宋敏求長安志云炭谷在萬年縣南

六十里又云澄源夫人湫廟在終南山炭谷公
南山詩有云因緣窺其湫即此湫龍所居也
胡渭曰公詠南山云拘官計日月欲進不可又
因緣窺其湫凝湛閔陰豈此為四門博士時事
也時天晦大雪淚目苦蒙瞶此赴陽山過藍田
時事也昨來逢清霽宿願忻始副此江陵入至
藍田時事也題炭谷湫詩蓋貞元十九年京師
旱祈雨湫祠公往觀焉故曰因緣窺其湫因緣
謂以事行非特遊也篇中饒有諷刺時德宗幸

臣李齊運李實韋執誼等與王叔文交通亂政
滋甚故公因所見以起興湫龍澄源喻幸臣魚
鼈禽鳥及羣怪喻黨人也秋懷欲習寒蛟而是
詩恨不血此牛蹄剛腸疾惡情見乎辭劉柳洩
言羣小側目陽山之謫所自來矣上疏云乎哉

聽穎師彈琴

昵昵兒女語。恩怨相爾汝。劃然變軒昂。勇士赴敵
場。浮雲柳絮無根蒂。天地濶遠隨飛揚。喧啾百鳥
羣。忽見孤鳳凰。躋攀分寸不可上。失勢一落千丈

後遺唐詩言
卷三
強。嗟余有兩耳。未省聽絲篁。自聞潁師彈。起坐在一
旁。推手遽止之。濕衣淚滂滂。潁乎爾誠能。無以
冰炭置我腸。

寫琴聲之妙實為得髓。繁休伯稱車子。柳子厚誌
箏師皆不能及。永叔善琴乃用此為譏議耶。躋
攀二語千古詩文妙訣。

西清詩話曰六一居士嘗問東坡琴詩孰優坡
答以退之聽潁師琴公曰此祇是琵琶耳吳僧
義海以琴名世或以六一語問海海曰歐陽公

一代英偉然斯語誤矣昵昵兒女語恩怨相爾
汝言輕柔細屑真情出見也劃然變軒昂勇士
赴敵場精神餘謹聳觀聽也浮雲柳絮無根蒂
天地濶遠隨飛揚縱橫變態浩乎不失自然也
喧啾百鳥羣忽見孤鳳凰又見潁孤絕不同流
俗下俚聲也躋攀分寸不可上失勢一落千丈
強起伏抑揚不主故常也皆指下絲聲妙處惟
琴為然琵琶格上聲烏能爾耶退之深得其趣
未易譏評也

彦周詩話曰退之聽穎師琴詩云浮雲柳絮無
根蒂天地濶遠隨飛揚此泛聲也謂輕非絲重
非木也喧啾百鳥羣忽見孤鳳凰泛聲中寄指
聲也躋攀分寸不可上吟繹聲也失勢一落千
丈強順下聲也善琴者云此數聲最難工自文
忠公與東坡論此詩作聽琵琶之後後生隨例
云云故論之少為退之雪寃

調張籍

李杜文章在光焰萬丈長不知羣兒愚那用故謗

傷。虬。蟬。撼。大。樹。可。笑。不。自。量。伊。我。生。其。後。舉。頸。遙。
相。望。夜。夢。多。見。之。晝。思。反。微。茫。徒。觀。斧。鑿。痕。不。矚。
治。水。航。想。當。施。手。時。巨。刃。磨。天。揚。垠。崖。剗。崩。豁。乾。
坤。擺。雷。破。惟。此。兩。夫。子。家。居。率。荒。涼。帝。欲。長。吟。哦。
故。遣。起。且。僵。翦。翎。送。籠。中。使。看。百。鳥。翔。平。生。千。萬。
篇。金。薤。垂。琳。琅。仙。官。勅。六。丁。雷。電。下。取。將。流。落。人。
間。者。太。山。一。豪。芒。我。願。生。兩。翅。捕。逐。出。八。荒。精。誠。
忽。交。通。百。怪。入。我。腸。刺。手。拔。鯨。牙。舉。瓢。酌。天。漿。騰。
身。跨。汗。漫。不。著。織。女。襄。顧。語。地。上。友。經。營。無。太。忙。

乞君飛霞珮與我高頡頏

此示籍以詩派正宗言已所手追心慕惟有李杜
雖不可幾及亦必升天入地以求之籍有志於此
當相與為後先也其景仰之誠直欲上通孔夢其
運量之大不減遠績禹功所以推崇李杜者至矣
魏仲舉曰退之有取於李杜如薦士醉留東野
望秋石鼓等詩每致意焉然未若此詩之專美
也

雪浪齋日記曰退之參李杜透機關處於調張

籍詩見之自我願生兩翅捕逐出八荒以下至
乞君飛霞珮與我高頡頏此領會語也從退之
言詩者多而獨許籍者以有見處可以傳衣耳
竹坡詩話曰元微之作李杜優劣論謂太白不
能窺杜甫之藩籬况堂奧乎唐人未嘗有此論
而稹始為之至退之云李杜文章在光焰萬丈
長不知羣兒愚那周故謗傷則不復為優劣矣
洪慶善作韓文辨證著魏道輔之言謂退之此
詩為微之作也微之雖不當自作優劣然指稹

為愚兒豈退之之意乎

盧郎中雲夫寄示送盤谷子詩兩章歌以和之

昔尋李愿向盤谷。正見高崖巨壁爭開張。是時新晴天井溢。誰把長劍倚大行。衝風吹破落天外。飛雨白日灑洛陽。東蹈燕川食曠野。有饋木蕨芽滿筐。馬頭溪深不可厲。借車載過水入箱。平沙綠浪榜方口。鴈鴨飛起穿垂楊。窮探極覽頗恣橫。物外日月本不忙。歸來辛苦欲誰為。坐令再往之計墮

眇芒閉門長安三日雪。推書撲筆歌慨慷。旁無壯士遣屬和。遠憶盧老詩顛狂。開緘忽覩送歸作。字向紙上皆軒昂。又知李侯竟不顧。方冬獨入崔嵬藏。我今進退幾時決。十年蠢蠢隨朝行。家請官供不報答。無異雀鼠偷太倉。行抽手版付丞相。不待彈劾還耕桑。字向紙上皆軒昂。正是此篇評語高。詠數畝令人增長意氣


漁隱叢話曰東坡云歐陽文忠言晉無文章惟

陶淵明歸去來一篇而已。余亦謂唐無文章。唯韓退之送李愿歸盤谷序一篇而已。平生欲效此作一文。每執筆輒罷。因自笑曰。不若且放教退之獨步。退之尋常詩。自謂不逮李杜。至於昔尋李愿向盤谷一篇。獨不減子美。

病中贈張十八

中虛得暴下。避冷卧北窗。不蹋曉鼓朝。安眠聽逢逢。籍也處閭里。抱能未施邦。文章自娛戲。金石日擊撞。龍文百斛鼎。筆力可獨扛。談舌久不掉。非君

亮誰雙。扶几導之言。曲節初攢攢。半塗喜開鑿。派別失大江。吾欲盈其氣。不令見麾幢。牛羊滿田野。解旆束空杠。傾罇與斟酌。四壁堆罌缸。元帷隔雪風。照鑪釘明缸。夜闌縱捩闔。哆口踈眉厖。勢侔高陽翁。坐約齊橫降。連日挾所有。形軀頓胈肱。將歸乃徐謂。子言得無咙。迴軍與角逐。斫樹收窮龐。雌聲吐款要。酒壺綴羊腔。君乃崑崙渠。籍乃嶺頭泂。譬如蟻垤微。詎可陵崆峒。幸願終賜之。斬拔枿與椿。從此識歸處。東流水淙淙。



此篇當就用韻處玩其苦心巧思大畧以軍事進退為比皆就韻之所近而詞義乃各得其儕如前有高陽一喻而後之窮靡乃以類從不為強押凡解旆迴軍約降吐款前後俱一綫穿成於此見長篇險韻定湏慘淡經營不可恃才鹵莽也 按顧嗣立謂諸家舊注不無舛錯如病中贈張十八云龍文百斛鼎孫汝聽不知出自班孟堅寶鼎詩而漫引史記秦武王與孟說舉龍文之鼎此其譌謬更甚嗣立但見史記秦本紀有王與孟說舉鼎事

而無龍文字面遂疑其訛謬而改注之不知秦武王與孟說舉龍文赤鼎自在趙世家中詩本用此孫注或欠詳晰而於義未為失也若不引舉鼎而泛引寶鼎於下句力扛何涉舊注固時有舛錯此則改注反成譌謬特為正之

韓醇曰公始也扶机導籍使之言且匿其麾幢解旆束杠而示之弱籍乃縱其捍闔如酈生之下齊既連只挾其所有其後軀病語呢乃為公敗是猶孫臍之收龐涓也籍既為公所敗乃自

後漢書卷之六十一
以為嶺頭之瀧不足以方崑崙之渠蟻垤之微
不足以陵崆峒之山願終受教於公而公於是
導其所歸也

寄崔二十六立之

西城員外丞。心跡兩屈奇。往歲戰詞賦。不將勢力
隨。下驢入省門。左右驚紛披。傲兀坐試席。深叢見
孤羆。文如翻冰成。初不用意為。四座各低面。不敢
捩眼窺。升階揖侍郎。歸舍日未鼓。佳句喧衆口。考
官敢瑕疵。連年收科第。若摘領底髭。迴首卿相位。

通途無佗岐。豈論校書郎。袍笏光參差。童稚見稱
說。祝身得如斯。儕輩妒且熱。喘如竹筒吹。老婦願
嫁女。約不論財貲。老翁不量分。累月答其兒。攪攪
爭附託。無人角雄雌。由來人間事。翻覆不可知。安
有巢中鷄。插翅飛天陲。駒麕著爪牙。猛虎借與皮。
汝頭有韁繫。汝脚有索縻。陷身泥溝間。誰復稟指
搗。不脫吏部選。可見偶與奇。又作朝士貶。得非命
所施。客居京城中。十日營一炊。逼迫走巴蠻。恩愛
座上離。昨來漢水頭。始得完孤羆。析掛新衣裳。盍

棄食殘糜。苟無飢寒苦。那用分高卑。憐我還好古。宦途同險巖。每旬遺我書。竟歲無差池。新篇奚其思。風幡肆逶迤。又論諸毛功。劈水看蛟螭。雷電生。睽睨角鬣相撐披。屬我感窮景。抱華不能摘。倡來和相報。愧歎俾我疵。又寄百尺綵。緋紅相盛衰。巧能喻其誠。深淺抽肝脾。開展放我側。方餐涕垂匙。朋交日凋謝。存者逐利移。子寧獨迷誤。綴綴意益彌。舉頭庭樹豁。狂飈卷寒曦。迢遞山水隔。何由應。頃篋別來就。十年君馬記。駟驪長女當。及事誰助。

出悅縞。諸男皆秀朗。幾能守家規。文字銳氣在。輝輝見旌麾。摧腸與感容。能復持酒卮。我雖未耄老。髮禿骨力羸。所餘十九齒。飄飄盡浮危。元花著兩眼。視物隔褰帷。燕席謝不詣。游鞍懸莫騎。敦敦凭書案。譬彼鳥黏繭。且吾聞之師。不以物自隳。狐豚眠糞壤。不慕太廟犧。君看一時人。幾輩先騰馳。過半黑頭死。陰蟲食枯髀。歡華不滿眼。咎責塞兩儀。觀名計之利。詎足相陪裨。仁者恥貪冒。受祿量所宜。無能食國惠。豈異哀癘罷。久欲辭謝去。休令眾

後漢唐書言
三
睢睢况又嬰疹疾寧保軀不貲不能前死罷內實
慙神祇舊籍在東都茅屋枳棘籬還歸非無指瀾
渭揚春漸生今耕吾疆死也埋吾陂文書自傳道
不仗史筆垂夫子固吾黨新恩釋銜羈去來伊洛
上相待安眾算我有雙飲觥其銀得朱提黃金塗
物象雕鐫妙工儻乃令千里鯨么麼微螽斯猶能
爭明月擺掉出渺瀰野草花葉細不辨蕢菜菘絲
絲相糾結狀似環城陴四隅芙蓉樹擢豔皆猗猗
鯨以興君身失所逢百罹月以喻夫道僂俛勵莫

虧草木明覆載妍醜齊榮萎願君恒御之行止雜
燧騰異日期對舉當如合分支

叙崔如小傳叙自如尺牘雜沓翾縷似破碎而實
渾成其詞意懇款下筆不能自休可想見交誼之
厚

隱居詩話曰詩惡蹈襲古人之意亦有襲而愈
工若出於己者蓋思之愈精則造語愈深也魏
人章疏云福不盈皆禍將溢世韓愈則曰歡華
不滿眼咎責塞兩儀蓋工於前也

李光地曰前叙崔之登第謫官中道與崔唱酬之事而因訊其安候後乃自述其志而欲與崔偕隱末方及其所以報崔之貽者與前巧喻其誠相應

御選唐宋詩醇卷之三十一

昌黎韓愈詩五

目錄

短燈檠歌

病鴟

華山女

瀧吏

除官赴闕至江州寄鄂岳李大夫

南山有高樹行贈李宗閔

猛虎行

雪後寄崔二十六丞公

奉酬盧給事雲夫四兄曲江荷花行見寄并

呈上錢七兄閣老張十八助教

記夢

南內朝賀歸呈同官

讀東方朔雜事

庭楸

南溪始泛三首

題楚昭王廟

答張十一功曹

題木居士

和歸工部送僧約

入關詠馬

木芙蓉

奉和庫部盧四兄曹長元日朝迴

奉和裴相公東征途經女几山下作

次潼關先寄張十二閣老使君

晉公破賊回重拜台司以詩示幕中賓客愈
奉和

左遷至藍關示姪孫湘
晚次宣溪辱韶州張端公使君惠書叙別酬
以絕句二章

量移袁州張韶州端公以詩相賀因酬之
奉和兵部張侍郎酬鄆州馬尚書祇召途中
見寄開緘之日馬帥已再領鄆州之作
奉酬天平馬十二僕射暇日言懷見寄之作

奉使鎮州行次承天行營奉酬裴司空
奉和僕射裴相公感恩言志
和僕射相公朝廻見寄

味對根酥公既既良音

奉味對根斐酥公既既言去

奉對難既許承天許營奉爾斐后空

御選唐宋詩醇卷之三十一

昌黎韓愈詩五

短燈檠歌

長檠八尺空自長。短檠二尺便且光。黃簾綠幕朱
戶閉。風露氣入秋堂涼。裁衣寄遠淚眼暗。搔頭頻
挑移近牀。太學儒生東魯客。二十辭家來射策。夜
書細字綴語言。兩目眵昏頭雪白。此時提攜當案
前。看書到曉那能眠。一朝富貴還自恣。長檠高張
照珠翠。吁嗟世事無不然。牆角君看短檠棄。

貧賤糟糠諷喻深切

病鴟

屋東惡水溝。有鴟墮鳴悲。青泥揜兩翅。拍拍不得
離。羣童叫相召。瓦礫爭先之。計校生平事。殺却理
亦宜。有攘不愧恥。飽滿盤天嬉。晴日占光景。高風
送追隨。遂凌紫鳳羣。肯顧鴻鵠卑。今者運命窮。遭
逢巧丸兒。中汝要害處。汝能不得施。於吾乃何有。
不忍乘其危。丐汝將死命。浴以清水池。朝餐輟魚
肉。暝宿防狐狸。自知無以致。蒙德久猶疑。飽入深

竹叢飢來傍階基。亮無責報心。固以聽所為。昨日
有氣力。飛跳弄藩籬。今晨忽徑去。曾不報我知。僥
倖非汝福。天衢汝休窺。京城事彈射。豎子豈易欺。
勿諱泥坑辱。泥坑乃良規。

顧嗣立曰此詩每虛頓一二語用深一步法如
計較生平事殺却理亦宜亮無責報心固以聽
所為是也通首是比分明為負心人寫照與老
杜義鷗行正相反

華山女

街東街西講佛經。撞鐘吹螺鬧宮庭。廣張罪福資
誘脅。聽衆狎恰排浮萍。黃衣道士亦講說。座下寥
落如明星。華山女兒家奉道。欲驅異教歸仙靈。洗
粧拭面著冠帔。白咽紅頰長眉青。遂來昇座演真
訣。觀門不許人開扃。不知誰人暗相報。訇然振動
如雷霆。掃除衆寺人跡絕。驛驢塞路連輜輶。觀中
人滿坐觀外。後無地無由聽。抽釵脫釧解環珮。
堆金疊玉光青熒。天門貴人傳詔召。六宮願識師
顏形。玉皇領首許歸去。乘龍駕鶴來青冥。豪家少

年豈知道。來繞百市脚不停。雲窗霧閣事恍惚。重
重翠幔深金屏。仙梯難攀俗緣重。浪憑青鳥通丁
寧。

漁隱叢話曰類苑云退之見神仙亦不伏云我
寧屈曲自世間安能從汝巢神山賦謝自然則
曰童騃無所識作誰氏子則曰不從而誅未晚
耳惟華山女詩頗假借不知何以得此
朱子曰或怪公排斥佛老不遺餘力而於華山
女獨假借如此非也此正譏其銜姿色假仙靈

以惑衆又譏時君不察使失行婦人得入宮禁
耳觀其卒章豪家少年雲窗霧閣翠幔金屏青
鳥丁寧等語褻慢甚矣豈真以神仙處之哉
彥周詩話曰詩人寫人物態度至不可移易元
微之李娃行云髻鬟峨峨高一尺門前立地看
春風此定為娼婦退之華山女詩云洗粧拭面
著冠帔白咽紅頰長眉青此定是女道士東坡
作芙蓉城詩亦用長眉青三字云中有一人長
眉青炯如微雲淡疎星便有神仙風度

瀧吏

南行逾六旬。始下昌樂瀧。險惡不可狀。船石相舂
撞。往問瀧頭吏。潮州尚幾里。行當何時到。土風復
何似。瀧吏垂手笑。官何問之愚。譬官居京邑。何由
知東吳。東吳遊宦鄉。官知自有由。潮州底處所。有
罪乃竄流。儂幸無負犯。何由到而知。官今行自到。
那遽妄問為不虞。卒見困汗出愧且駭。吏白聊戲
官。儂嘗使往罷嶺南。大抵同官去道苦遼。下此三
千里。有州始名潮。惡溪瘴毒聚。雷電常洶洶。鱷魚

大於船。牙眼怖殺儂。州南數十里。有海無天地。颶風有時作。掀簸真差事。聖人於天下。於物無不容。比聞此州囚。亦有生還儂。官無嫌此州。固罪人所徙。官當明時來。事不待說委。官不自謹慎。宜即引分往。胡為此水邊。神色又慳慌。旣大瓶。罌小所任。自有宜官。何不自量。滿溢以取斯。工農雖小人事。業各有守。不知官在朝。有益國家。不得無虱。其間不武亦不文。仁義飾其躬。巧姦敗羣倫。叩頭謝吏言。始慙今更羞。歷官二十餘。國恩並未酬。凡吏之

所訶。嗟實頗有之。不即金木誅。敢不識恩私。潮州雖云遠。雖惡不可過於身。實已多。敢不持自賀。欲寫貶地遠。惡却設為問。荅又借吳音。俚語以致真切之意。助荒陋之態。格調全祖古樂府來。君子以恐懼。修省瀧吏篇之謂也。莫道英雄氣短。沈德潛曰。音節氣味得之漢人樂府。韓詩中推為別調。借吏言以規諷。主意在此。

除官赴闕。至江州寄鄂岳李大夫。金城去鄂渚。風便一日耳。不枉故人書。無因帆江。

水故人辭禮闈。旌節鎮江圻。而我竄逐者。龍鍾初
得歸。別來已三歲。望望長迢遞。咫尺不相聞。平生
那可計。我齒落且盡。君鬢白幾何。年皆過半百。來
日苦無多。少年樂新知。衰暮思故友。譬如親骨肉。
寧免相可不。我昔實愚憊。不能降色辭。子犯亦有
言。臣猶自知之。公其務。賞過我亦請。改事桑榆儻。
可收願。寄相思字。情致纏繇詞氣。遜順使人之意也。消

南山有高樹行贈李宗閔

南山有高樹。花葉何蓂蓂。上有鳳凰巢。鳳凰乳且
棲。四旁多長枝。羣鳥所託依。黃鵠據其高。衆鳥接
其卑。不知何山鳥。羽毛有光輝。飛飛擇所處。正得
衆所希。上承鳳凰恩。自期永不衰。中與黃鵠羣。不
自隱其私。下視衆鳥羣。汝徒竟何為。不知挾九子
心。默有所規。彈汝枝葉間。汝翅不覺摧。或言由黃
鵠。黃鵠豈有之。慎勿猜衆鳥。衆鳥不足猜。無人語
鳳凰。汝屈安得知。黃鵠得汝去。婆娑弄毛衣。前汝
下視鳥。各議汝瑕疵。汝豈無朋匹。有口莫肯開。汝

落蒿艾間。幾時復能飛。哀哀故山友。中夜思汝悲。
路遠翅翎短。不得持汝歸。

韓醇曰據詩意鳳凰謂裴度挾九子謂李德裕
李紳元稹也新書李宗閔傳云裴度伐蔡引為
彰義觀察判官蔡平知制誥長慶初錢徽典貢
舉宗閔託所親於徽李德裕李紳元稹共白徽
取士不以實宗閔坐貶劍州刺史俄復為中書
舍人由是嫌怨顯結縉紳之禍四十餘年不解
又云宗閔初為裴度引用及度薦李德裕可為

宰相宗閔遂與為怨韓愈為作南山猛虎行規
之按度薦德裕在公沒後五年新書誤矣
漁隱叢話曰退之宗閔俱裴晉公征淮西時幕
客也退之作南山有高樹及猛虎行贈宗閔皆
畧盡其終身所為然退之無恙時宗閔纔為中
書舍人所為尚未暴自錢徽貶後牛李之憾始
結至其為相則退之死久矣遂有封川之行所
謂前汝下視鳥各議汝瑕疵烏鵲從噪之虎不
知所歸者何其明驗也

方崧卿曰心默有所規規圖也東坡五禽言去年麥不熟挾彈規我肉本公語也

猛虎行

猛虎雖云惡亦各有匹儕羣行深谷間百獸望風低身食黃熊父子食赤豹麋擇肉於熊豹肯視兔與狸正晝當谷眠眼有百步威自矜無當對氣性縱以乖朝怒殺其子暮還食其妃匹儕四散走猛虎還孤棲狐鳴門兩旁烏鵲從噪之出逐猴入居虎不知所歸誰云猛虎惡中路正悲啼豹來銜其

尾熊來攫其頤猛虎死不辭但慙前所為虎坐無助死况如汝細微故當結以信親當結以私親故且不保人誰信汝為

二詩皆哀矜涕泣而道宵雅之遺則也

方崧卿曰蜀本總題誤以上題贈李宗閔四字綴猛虎行之上後人因之其實後詩不為宗閔作猛虎行樂府舊題非前詩類也新書又謂裴度薦李德裕宗閔怨之為作此詩薦事在太和三年公沒久矣不可據

雪後寄崔二十六丞公

藍田十月雪塞關。南望愁羣山。攢天鬼鬼凍。相映君乃寄命於其間。秩卑俸薄食口衆。豈有酒食開容顏。殿前羣公賜食罷。驛蹕踟路驕且閒。稱多量少鑿裁密。豈念幽桂遺榛菅。幾欲犯嚴出。鷹口氣象碑兀未可攀。歸來殞涕揜關卧。心之紛亂誰能刪。詩翁憔悴斲荒棘。清玉刻佩聯玦環。腦脂遮眼卧壯士。大昭挂壁無由彎。乾坤惠施萬物遂。獨於數子懷偏慳。朝歎暮喟不可解。我心安得如

石頌

起調激越極似同谷歌

某氏曰斯立是時為藍田縣丞其曰藍田十月元和十年十月也孟郊已死張籍病眼故有詩翁壯士之句有懷立之且念朋友之不振也

奉酬盧給事雲夫四兄曲江荷花行見寄并

呈上錢七兄閣老張十八助教

曲江十頃秋波淨。平鋪紅雲蓋。明鏡大明宮中給。事歸走馬來看立不正。遺我明珠九十六。寒光映

骨睡驪目。我今官閑得婆娑。問言何處芙蓉多。撐
 舟昆明度雲錦。脚敲兩舷叫吳歌。太白山高三百
 里。負雪鬼鬼插花裏。玉山前却不復來。曲江汀滢
 水平盃。我時相思不覺一迴首。天門九扇相當開。
 上界真人足官府。豈如散仙鞭笞鸞鳳。終日相追
 陪。

紅雲明鏡中。特有雪山倒影便。寫得異樣精采結
 似洒脫。正恐不能忘情。

樊汝霖曰公時自中書舍人降太子右庶子

記夢

夜夢神官與我言。羅縷道妙角與根。挈攜陬維口
 瀾翻百二十刻。湏臾間我聽其言未云足。捨我先
 度橫山腹。我徒三人共追之。一人前度安不危。我
 亦平行蹋翫。神完骨蹻脚不掉。側身上視溪谷
 盲。杖撞玉版聲彭舩。神官見我開顏笑。前對一人
 壯非少。石壇坡陀可坐卧。我手承頰肘拄座。隆樓
 傑閣磊嵬高。天風飄飄吹我過。壯非少者哦七言。
 六字常語一字難。我以指撮白玉丹。行且咀嚙行

不...言...卷三
詰盤口前截斷第二句。綽虐顧我顏不歡。乃知仙人未賢聖。護短憑愚邀我敬。我能屈曲自世間。安能從女巢神山。

只是寓言勿真謂與鬼爭義

黃庭堅曰六字常語一字難只前句中哦字便是所難此乃為詩之法也

樊汝霖曰蘇內翰嘗曰太白詩云遺我鳥跡書讀之了不閑太白尚氣乃自招不識字不如退之倔强云我能屈曲自世間安能隨女巢神山

又云退之性氣雖出世間人亦不能容也

某氏曰此詩蓋有託諷意公忤執政左遷為右庶子時作前酬盧公荷花詩末云豈如散仙鞭笞鸞鳳終日相追陪而此詩末亦云我能屈曲自世間安能從女巢神山皆有不能俯仰隨人之意可知其為左遷之時也

顧嗣立曰按金居敬云羅縷道妙三句意皆本參同契角根陬維謂青龍處房六白虎在昴七朱雀在張二皆朝於元武虛危之位也迎一陽

後道周... 卷三
之氣以進火妙用始於虛危在一日言正當子
半故曰須臾間又云百二十刻須臾間如參同
契以十二卦十二律配十二時陽火陰符之候
然一日之間有之一刻之間亦有之也公蓋深
得金丹之旨乃極強世間耶

南內朝賀歸呈同官

薄雲蔽秋曦。清雨不成泥。罷賀南內衙。歸涼曉淒。
淒。綠槐十二街。渙散馳輪蹄。余惟贛書生。孤身無
所齋。三黜竟不去。致官九列齊。豈惟一。身榮。珮玉

冠簪屏。混蕩天門高。著籍朝厥妻。文才不如人。行
又無町畦。問之朝廷事。畧不知東西。况於經籍深。
豈究端與倪。君恩太山重。不見酬稗梯。所職事無
多。又不自提撕。明庭集孔鸞。曷取於鳧鷖。樹以松
與柏。不宜閒蒿藜。婉孌自媚好。幾時不見擠。貪食
以忘軀。尠不調鹽醢。法吏多少年。磨淬出角圭。將
舉汝愆尤。以為已階梯。收身歸關東。期不到死迷。
戒心法吏始。擬收身則已有為而為矣。中間省躬
引分乃足為朝士座右銘

雍錄曰唐都城有三大內太極宮在西故名西內大明宮在東故名東內別有興慶宮號南內也

洪興祖曰中朝事跡云天街兩畔樹槐俗號為槐街白樂天樂遊園詩云下視十二街綠槐間紅塵即此也

讀東方朔雜事

嚴嚴王母宮下維萬仙家噫欠為飄風濯手大雨沱方朔乃豎子驕不加禁訶偷入雷電室輪較掉

狂車王母聞以笑衛官助呀呀不知萬萬人生身埋泥沙簸頓五山路流漂八維蹉曰吾兒可憎奈此狡獪何方朔聞不喜褫身絡蛟蛇瞻相壯斗柄兩手自相接羣仙急乃言百犯庸不科向觀睥睨處事在不可赦欲不布露言外口實誼譁王母不得已顏頰口齋嗟領頭可其奏送以紫玉珂方朔不懲劓挾恩更矜誇詆欺劉天子正晝溺殿衙一且不辭訣攝身凌蒼霞

俞瑒曰此詩洪興祖以為譏弄權者觀結語云



云殊不然也意亦指文人播弄造化如雙鳥詩云爾不然何獨取方朔而擬之權倖耶

顧嗣立曰按漢書東方朔傳贊曰朔之詼諧逢占射覆其事浮淺行於衆庶童兒牧豎莫不炫耀而後世好事者因取奇言怪語附著之公詩皆本經史而此作獨專取內傳亦偶然戲筆故題之曰雜事也

漢武帝內傳曰帝好長生七夕西王母降其宮有頃索桃七枚以四枚與帝自食三枚曰此桃

三千年一實時東方朔從殿東廂朱鳥牖中窺母母謂帝曰此窺牖兒嘗三來偷吾此桃昔為太山上仙宮令到方丈擅弄雷電激波揚風風雨失時陰陽錯迕致令鮫鯨陸行海水暴竭黃鳥宿淵於是九潦丈人乃言於太上遂謫人間其後朔一日乘雲龍飛去不知所在

庭楸

庭楸止五株。共生十步間。各有藤繞之。上各相鉤。聯下葉各垂地。樹顛各雲連。朝日出其東。我常坐。

御選唐宋詩 卷三 首
西偏夕日在其西。我常坐東邊。當晝日在上。我在
中央。閒仰視何青青。上不見纖穿。朝暮無日時。我
且八九旋。濯濯晨露香。明珠何聯聯。夜月來照之。
蕭蕭自生烟。我已自頑鈍。重遭五楸牽。客來尚不
見。肯到權門前。權門衆所趨。有客動百千。九牛亡
一毛。未在多少間。往既無可顧。不往自可憐。
歷叙東西朝暮繁。而不殺彌有古意。

南溪始泛三首

榜舟南山下。上上不得返。幽事隨去多。孰能量近

遠。陰沈過連樹。藏昂抵橫坂。石麤肆磨礪。波惡厭
牽挽。或倚偏岸漁。竟就平洲飯。點點暮雨飄。稍稍
新月偃。餘年慄無幾。休日愴已晚。自是病使然。非
由取高蹇。

南溪亦清駛。而無楫與舟。山農驚見之。隨我觀不
休。不惟兒童輩。或有杖白頭。饋我籠中瓜。勸我此
淹留。我云以病歸。此已頗自由。幸有用餘俸。置居
在西疇。困倉米穀滿。未有旦夕憂。上去無得得。下
來亦悠悠。但恐煩里閭。時有緩急投。願為同社人。

雞豚燕春秋

足弱不能步。自宜收朝蹟。羸形可輿致。佳觀安可擲。即此南坂下。久聞有水石。挖舟入其間。溪流正清澈。隨波吾未能。峻瀨乍可刺。鷺起若導吾前飛。數十尺。亭亭柳帶沙。團團松冠壁。歸時還盡夜。誰謂非事役。

三首神似陶公所謂姦窮變怪得往往造平淡者。蔡寬夫詩話曰退之詩豪健雄放自成一家。世特恨其深婉不足。南溪始泛三篇乃末年所作。

獨為閑遠有淵明風氣

王直方詩話曰洪龜父言山谷於退之詩少所許可最愛南溪始泛以為有詩人句律之深意。隱居詩話曰南溪始泛詩將死病中作也。句有足弱不能步自宜收朝蹟又云餘年慄無幾休日愴已晚張籍哭退之詩畧曰去夏公請告養病城南莊籍時休官罷兩月同遊翔移船入南溪東西縱篙撐公作遊溪詩詠唱多慨慷又曰偶有賈秀才來茲亦同并秀才謂賈島也。

題楚昭王廟

邱墳滿目衣冠盡。城闕連雲草樹荒。猶有國人懷舊德。一間茅屋祭昭王。

顧嗣立曰按公外集有記宜城驛云驛東北有井傳是昭王井井東北數十步有楚昭王廟高木萬株舊廟屋極宏盛今惟草屋一區然問左側人尚云每歲十月民相率聚祭其前元和十四年二月二日題蓋與此詩同作也

答張十一功曹

入關詠馬

歲老豈能充上駟。力微當自慎前程。不知何故翻驤首。牽過關門妄一鳴。

木芙蓉

新開寒露叢。遠比水間紅。豔色寧相妒。嘉名偶自同。採江宮渡晚。寒木古祠空。願得勤來看。無令便逐風。

未子曰此詩言荷花與木芙蓉生不同處而色皆美名又同故以採江寒木二事相對言其生

處而九歌者祭神之辭故曰古祠也

奉和庫部盧四兄曹長元日朝廻

天。仗。宵。嚴。建。羽。旄。春。雲。送。色。曉。雞。號。金。爐。香。動。螭。
頭。暗。玉。佩。聲。來。雉。尾。高。戎。服。上。趨。承。壯。極。儒。冠。列。
侍。映。東。曹。太。平。時。節。難。身。遇。郎。署。何。須。歎。二。毛。

沈德潛曰入賈岑倡和作中可以伯仲

奉和裴相公東征途經女几山下作

旗。穿。曉。日。雲。霞。雜。山。倚。秋。空。劔。戟。明。敢。請。相。公。平。
賊。後。暫。携。諸。吏。上。崢。嶸。

洪興祖曰以我之旗况彼雲霞以彼之山况我

劔戟詩家謂迴鸞舞鳳格

蔡寬夫詩話曰退之和裴晉公征淮西時過女
几山詩云云而晉公之詩無見惟白樂天集載
其一聯云待平賊壘報天子莫指仙山示老夫
方時意氣自信不疑如此豈容令狐楚輩沮撓
乎

次潼關先寄張十二閣老使君

荆山已去華山來日出潼關四扇開刺史莫辭迎

後漢書言西 卷三 和晉公破賊回

候。遠。相。公。親。破。蔡。州。迴。

沈德潛曰沒石飲羽之技不必以尋常絕句法求之

晉公破賊回重拜台司以詩示幕中賓客愈

奉和

南。伐。旋。師。太。華。東。天。書。夜。到。冊。元。功。將。軍。舊。壓。三。司。貴。相。國。新。兼。五。等。崇。鷓。鴒。欲。歸。仙。仗。裏。熊。羆。還。入。禁。營。中。長。慙。典。午。非。材。職。得。就。閑。官。即。至。公。嚴。重。蒼。渾。直。逼。杜。陵。

石林詩話曰七言難於氣象雄渾句中有力量而紆徐不失言外之意自老杜錦江春色來天地玉壘浮雲變古今與五更鼓角聲悲壯三峽星河影動搖等句之後常恨無復繼者韓退之筆力最為傑出然每苦意與語俱盡和裴晉公破蔡州回詩所謂將軍舊壓三司貴相國新兼五等崇非不壯也然意亦盡於此矣不若劉禹錫賀晉公留守東都云天子旌旗分一半八方風雨會中州語遠而體大也

印是晉公詩集 卷三 韓愈 示姪孫湘 酬張端 下

沈德潛曰莊重得體

左遷至藍關示姪孫湘

一封朝奏九重天。夕貶潮州路八千。欲為聖明除弊事。肯將衰朽惜殘年。雲橫秦嶺家何在。雪擁藍關馬不前。知汝遠來應有意。好收吾骨瘴江邊。

李光地曰佛骨一表孤映千古而此詩配之尤妙在許大題目而以除弊事三字了却

晚次宣溪辱韶州張端公使君惠書叙別酬以絕句二章

韶州南去接宣溪。雲水蒼茫日向西。客淚數行。自落鷓鴣。休傍耳邊啼。

兼金那足比清文。百首相隨愧使君。俱是嶺南巡管內。莫欺荒僻斷知聞。

筆墨閒錄曰潮州以後詩最哀深宣溪絕句等詩絕有味

量移袁州張韶州端公以詩相賀因酬之
明時遠逐事何如。遇赦移官罪未除。北望詎令隨塞鴈。南遷纔免葬江魚。將經貴郡煩留客。先惠高

和張侍郎
三

文謝起予。暫欲繫船。韶石下上。賓虞舜。整冠。裾
李光地曰。末句取諸離騷。所謂跪敷衽以陳辭
者。有蒙難正志氣象。

奉和兵部張侍郎酬鄆州馬尚書祇召途中

見寄開緘之日。馬帥已再領鄆州之作。

來朝當路日。承詔改轅時。再領湏句國。仍遷少昊
司。暖風抽宿麥。清雨卷歸旗。賴寄新珠玉。長吟慰
我思。

石林詩話曰。蔡天啟言。嘗與張文潛論韓柝五

字警句。文潛舉退之暖風抽宿麥。清雨卷歸旗。

子厚壁空殘月曙。門掩候蟲秋。皆集中第一。

奉酬天平馬十二僕射暇日言懷見寄之作

天平篇什外。政事亦無雙。威令加徐土。儒風被魯
邦。清為公論重。寬得士心降。歲晏偏相憶。長謠坐
北窗。

奉使鎮州行次承天行營奉酬裴司空

竄逐三年海上歸。逢公復此著征衣。旋吟佳句還
鞭馬。恨不身先去鳥飛。

韓愈 奉酬馬僕射 奉酬

韓愈集卷之三十五 裴司空 奉和裴相公

詔許遲留而奮迅如此仁者之勇庶無愧焉

新書詔愈宣撫既行衆皆危之元稹言韓愈可

惜穆宗亦悔詔愈度事從宜無必入愈曰安有

受君命而滯留自顧遂疾驅入

奉和僕射裴相公感恩言志

文。武。成。功。後。居。為。百。辟。師。林。園。窮。勝。事。鐘。鼓。樂。清。

時。擺。落。遺。高。論。雕。鐫。出。小。詩。自。然。無。不。可。范。蠡。爾。

其誰

按詩話云慶歷中西師未解晏元獻為樞密使會

大雪置酒西園歐陽永叔賦詩云須憐鐵甲冷徹

骨四十餘萬屯邊兵晏曰昔韓愈亦能作言語赴

裴度會但云林園窮勝事鐘鼓樂清時不曾如此

作鬧夫裴度之優游綠野乃不得已而與世浮沉

故愈詩云云晏殊所處不同聞永叔諷厲正應改

容謝之顧猶怫然於中耶

和僕射相公朝迴見寄

盡瘁年將久公今始暫閑事隨憂共減詩與酒俱

還。放。意。機。衡。外。收。身。矢。石。間。秋。臺。風。日。迥。正。好。看。

韓愈 和僕射

前山

退之與中立雅契同涉艱危樹功業其於當時朝
局元老苦心有知之最深者二詩能曲傳之諷詠
殊有餘味

